

मत्तीका ज्याक्तुम जोपा-सेला

येशू ख्रीष्टकु पाईमाखाकाम नडमिम

१ ओराम येशू ख्रीष्टकु^१ पाईमाखाकाम नडमिमकु सुम्दीमोलोम ल्वा सो। येशू ख्रीष्ट दाऊदकु दोचोलामका रोम्डी, मा दाऊद अब्राहामकु दोचोलाममिम बाईडा।^२ अब्राहाम इसहाककु पाप बाईडा, इसहाक याकूबकु पाप बाईडा, याकूब यहूदा नुड ऊ वा-ल्वाकमिमकु पाप बाईडा।^३ यहूदा फारेस नुड जाहेरकु पाप बाईडा। मेर्चिपकु माम तामार बाईडा। फारेस हेस्रोनकु पाप, हेस्रोन आरामकु पाप बाईडा।^४ आराम अम्मीनादाबकु पाप, अम्मीनादाब नहशोनकु पाप, नहशोन सल्मोनकु पाप,^५ सल्मोन बोअजकु पाप बाईडा। बोअजकु माम राहाब बाईडा। बोअज ओबेदकु पाप, ओबेदकु माम रूथ बाईडा। ओबेद यिशैकु पाप,^६ यिशै दाऊद हपकु पाप बाईडा। दाऊद सोलोमनकु पाप बाईडा। उरियाहकु नाईमे सोलोमनकु माम बाईडा।^७ सोलोमन रहबामकु पाप, रहबाम अबियाकु पाप, अबिया आसाकु पाप,^८ आसा यहोशापातकु पाप, यहोशापात यहोरामकु पाप, यहोराम उज्जियाहकु पाप,^९ उज्जियाह योतामकु पाप, योताम आहाजकु पाप, आहाज हिजकियाकु पाप,^{१०} हिजकिया मनशेशेकु पाप, मनशेशे अमोनकु पाप, अमोन योशियाहकु पाप,^{११} योशियाह यकोनियास नुड ऊ ल्वाकमिमकु पाप बाईडा। यहूदीमिमलाई बसाका बेबिलोननो लमु डादो मेर्मिम गम्डिम बाईडा।^{१२} बसाका बेबिलोननो लम्डिम चडडा यकोनियास शालतिएलकु पाप

बाईडा। शालतिएल यरूबाबेलकु पाप,^{१३} यरूबाबेल अबिउदकु पाप, अबिउद एल्याकीमकु पाप, एल्याकीम आजोरकु पाप,^{१४} आजोर सादोककु पाप, सादोक आखिमकु पाप, आखिम एलिउदकु पाप,^{१५} एलिउद एलाजारकु पाप, एलाजार मत्तानकु पाप, मत्तान याकूबकु पाप बाईडा।^{१६} मरियमकु वोचु योसेफकु पाप याकूब बाईडा। मे मरियमलामकाडा येशू गम्डी, गुमीलाई ख्रीष्ट ज्वामी।^{१७} आरेसाका अब्राहामलामका दाऊदसम्म को-ब्ल(१४) पुस्ता दुस्ता। मेम्मा दाऊद बाईडालो आथाम यहूदीमिमलाई बेबिलोननो बसाका लम्डिम थारीसम्म को-ब्ल(१४) पुस्ता, मा बेबिलोननो लम्डिलो आथाम ख्रीष्ट गम्डिमसम्म को-ब्ल(१४) पुस्ता दुस्ता।

येशू ख्रीष्ट गम्डिम

^{१८} येशू ख्रीष्ट आरेसाका गम्डी: उनीमा माम मरियम योसेफकाडा बिम्डिम बाईडा, लावो मेर्चिपकु लालीकुन्दा दुम्मु डादोडा मरियम माम्चुनी-पेलका गोजुमे दुस्ताम चस्ता।^{१९} मरियमकु वोचु योसेफ न-थोमनुडमा मुचु बाईडा। मेम्मिमका मुचुमिमकु डादोडा ऊ नाइमेकु नो-कल मर्पासामु नका मेचहोमका मरियमलाई डेन्मु न बुडु।^{२०} लावो योसेफका आरेप्पाम ल्वा मिन्तोडा बुडुलो ऊ डिमाडा मिप्रडमा माम्चुनीकु पाहीचो रेम्बेसिड्डा। मेम्मा गुनुड ज्वाक्ता, “दाऊदकु चो-चुसु योसेफ, मरियमलाई ई नाइमे दुम्बेन्मु हाम होडडा वो मेलुया, हेडालोने ऊ डेलगोनो बाट्पा चोच्चां ने माम्चुनी-पेलका मुन्बेट्मिडिम सो।

^११:१ माम्चुनीका मुचुमिमलाई सेल्मु लागि थुर्मीडिम हप।

२१ गुका कोले तारापाचो कक्सु, मा गाना उनीमा नड येशू † भाबेना, हेडालोने गुमीका उनी त्वाकु मुचुमिमलाई मेर्मिमकु छुलमिमडाम सेल्मी।” २२ मिप्रडमा माम्चुनीका गुमीलाम-जेपालामका आरे दुम ज्वाम्डिम खोत्ले ल्वा रोक्थिड्डाम सो: २३ “रेप्नी, कन्या मेसेम गोजुमे दुम, मा मेरामका तारापाचो कक्सु, गुमीलाई इम्मानुएल* ज्वामी, मेराम ज्वामा ‘माम्चुनी गुईनुड बुमी।” २४ योसेफ डोस्ता, मा मिप्रडमा माम्चुनीकु पाह्नीचोका ज्वाक्तामा होम्साका गुका मरियमलाई लालीकुन्दा बुडु। २५ लावो मरियमका तारापाचो मेकक्सुवामसम्म योसेफ मरियमनुड मेअम्सावा। मेकोतिमा उनी नड येशू भाबेड्डु।

येशू क्रोम्डा ज्योतिषीमिम रोम्डिम

२ डोकपु हेरोद हप बाईडाम थारीका यहूदियाकु बेथलेहेम देलडा येशू गम्डी। मेराम थारीका पूर्वनोम नेब्दीलामका कोले-नले ज्योतिषीमिम† यरूशलेमडा रोम्बिम्डी, मा मुचुमिमलाई हिलाबेम्डी, २ “यहूदीमिमकु मालो गक्पा हप बान्ते बुमी? गुमी गम्डिम ज्वाक्पा पूर्वनो धामुला सोरलुड ल्वासाका चक्तोको। मेम्मिमका गुमीलाई डोकपु मिम्साका सेव साड्डा रोकतोकोम।” ३ ओराम ल्वा थोस्तुमा डोकपु हेरोद हपका छोम मिम्ताम-सोरताम बुडु, मा यरूशलेमडाम खोत्ले मुचुमिमका वो मिम्ताम-सोरताम बेम्डी। ४ मेकोतिमा हेरोदका खोत्ले डाउ डुम्लाचोमिम नुड डुम्ला सीपा पातुम्मीमिमलाई येड्डुमी मा “ख्रीष्ट बान्ते गमी?” ज्वाक्साका हिलाबुडुमी। ५ मेर्मिमका

गुनुड ज्वाम्डी, “यहूदियाकु बेथलेहेम देल्डा गमी। हेडालोने माम्चुनीलाम-जेपाका आरेसाका ज्याक्तुम बु: ६ ‘ए बेथलेहेम, गाना यहूदाकु किब्दीगोडाम याक्के मेबुना, हेडालोने भेन्दा रेपा मुचु होप्पामडा आमा मुचु इस्राएलीमिमलाई क्रिपा मुचु गानालामका लु’।” ७ हेरोद हपका मे ज्योतिषीमिमलाई मेल्वाखोपडा लडुमी। मेम्मा हाडकोलोका मे सोरलुड रेम्बिसिड्डाम, मेराम हिलाबेसाका चडु। ८ मेकोतिमा हेरोदका मे ज्योतिषीमिमलाई आरे बुडुमीमा बेथलेहेमथो थुस्तुमी, “लक्नीमा मे चोच्चोलाई जोहोमका माल्नी, मा डार्नीमा गोलाई ज्वानी। गो वो गुलाई डोकपु मिम्साका सेव साट्पु।” ९ गुका ज्वाक्ताम ल्वा थोम्डीमा ज्योतिषीमिम लम्डी। पूर्वनो डादो ल्वाम्डिम सोरलुड मेर्मिमकु डादो-डादो लस्ता, मा मे चोच्चो बाट्पा खोमकु धोला रोक्थिड्डामा सोरलुड मेसिडा बाईडा। १० ज्योतिषीमिमका मे सोरलुड ल्वाम्डीमा छोम गेर्सिद्वाम्डी। ११ मेम्मा मेर्मिम नेमगोनो हुम्डी, मा माम मरियमनुड बाट्पा मे चोच्चो ल्वाम्डी। मेर्मिमका ऋचुखुम बेम्डीमा चोच्चोलाई डोकपु मिम्साका सेव साट्मिडी। मेकोतिमा उनी कन्तुर होसाका गुमीलाई सोना, धूप नुड मर्ग ग्वाम्डी। १२ माम्चुनीका मे ज्योतिषीमिमलाई डिमाडा “हेरोदकाडा मामा र्लोन्सिनी सो!” बेम्डी। मेम्मा मेर्मिम कोडमीडा लाम्दीलाम उनी नेब्दी र्लोम्सिम्डी।

माम-पापनुड येशू मिश्र नेब्दीनो स्वाम्डिम

१३ ज्योतिषीमिम लम्डिम चडडा, मिप्रडमाकु कोले पाह्नीचो योसेफकु

† १:२१ येशू ज्वाक्मा- सेल्पा डाचो।

† २:१ सोरलुडकु दुथाम माल्पा, थेटपा-चक्पा मुचु।

† २:११ भ्रपा नेम्पा/सिपा मिरोमडला क्लमु मसला/औषधीकाम लागि वो मोमी।

* १:२३ यशै: ७:१४ २:६ मीका ५:२

डिमाडा रेम्बेसिड्डा। मेम्मा गुका आरे
ज्वाक्ता, “बका, मे चोच्चो नुड उनी
मामलाई लडामा मिश्र नेब्दीथो स्वाडा।
रूल्लोसा मेज्वाडुमिमसम्म मेसिन्डाडा
बाया, हेडालोने हेरोदका चोच्चो सेन्मु
लागि माल्मु खाण्डुमिम बु।” १४ मेकोतिमा
योसेफ बक्तामा याक्के चोच्चो नुड उनी
मामलाई लडुमा सिन्थाडा मिश्र नेब्दीथो
लस्ल्याड्डा, १५ मा हेरोद मेसिथुमसम्म
मेर्मिम मेसिन्डाडा बाम्डी। मिप्रडमाका
माम्चुनीलाम-जेपालामका आरेसाका
जेम्डिम सीजेम रोक्थिड्डा, “गो आमा
तारापाचोलाई मिश्र नेब्दीलाम येतो।”
१६ ज्योतिषीमिमका हेरोद हपलाई वायम
डम्डिम ल्वा गुका चडु, मा छोम ऊ
छोक्चो बक्ता। चोच्चो येश गम्डिम
हेरोदका ज्योतिषीमिमलामका थोस्तुम
बाईडा। मेमलो आथाम ओम्लोसम्म
नक थ दुस्ताम बाईडा। गुका बेथलेहेम
नुड मेरामकु होनो-आथोम देलगोडाम
नक थकाम नुड मेरामडाम धालुम
वोस्चो चोच्चो खोत्लेलाई सेन्बेड्डुमी।
१७ माम्चुनीलाम-जेपा यर्मियाका
आरे ज्वाक्ताम सीजेम रोक्थिड्डा,
१८*“रामां देलडा छोम हुलाखाम
बेपा नुड येपा-दुक्पा कोड लोलाम
मुचुमिमका थोम्डी, ऊ चोच्चोमिमकाम
लागि राहेल खाण्टोडा लेड्डु, सुका वो
उमा न बन्सामु मेचाप्पीवा, हेडालोने
ऊ चोच्चोमिम सिम्डी।” १९ हेरोद
सिडाम चड्डा, मिश्र नेब्दीडा बाट्पा
योसेफकु डिमाडा मिप्रडमाकु कोले
पाहीचो रेम्बेसिड्डा, मा आरे ज्वाक्ता,
२० “बका, मे चोच्चो नुड उनी मामलाई
लडामा इस्राएल नेब्दीथो लक्सा,

हेडालोने चोच्चो सेन्मु माल्पा मुचुमिम
सिम्डी।” २१ मेम्मिमका गु बक्ता, मा
चोच्चो नुड उनी माम मरियमलाई लडुमा
इस्राएल नेब्दीडा रूल्लोस्ता। २२ लावो
यहूदियाडाम साखामचो हेरोदकु चो
अखिलाउस दुस्ता ज्वाक्पा थोस्तुमा
यहूदियाडा योसेफ लमु डिस्ता। मेम्मा
डिमाडा पाहीचोका गुलाई ज्वाक्ताम
होम्साकाडा गु गालील क्षेत्रथो लस्ता,
२३ मा नासरत ज्वाक्मा देल्डा बाईडा।
माम्चुनीलाम-जेपामिमका आरेसाका
ज्वाम्डिम रोक्थिड्डा: “गुमीलाई नासरीं
ज्वामी।”

कु-रुदुम ग्वाक्पा यूहन्नाका लाम्दी बनेबुडुम

(मर्कस १:१-८; लूका

३:१-१८; यूहन्ना १:१९-२८)

३ हापा चड्डा नासरतडा येशू
बाम्डीलो यहूदियाडाम ज्याङ्गो-
ज्याङ्गोडा कु-रुदुम ग्वाक्पा यूहन्नाका
आरे ज्वाक्ता जोपा-सेला थोबेन्मु चोम्डु,
२ “छुललाम रूल्लोन्सिट्नी, हेडालोने
पाही-किब्दीं रोम्फामुडा खाण्डुम
बु।” ३ ओराम यूहन्नाकु दुथामडा
सो माम्चुनीलाम-जेपा यर्मियाका आरे
ज्वाक्ताम बाईडा: “ज्याङ्गो-ज्याङ्गोडा
कोडनिम येतोडा लेडु, ‘मिप्रडमाकु
लाम्दी बनेबे, उनीमा लाम्दी जोपा
बेजोला’।” *यशै. ४०:३ ४ यूहन्नाका ऊँटकु
सोमकाम ये-सेम फस्थाल्ला, मा कम्मरडा
कोक्तेकु खिम्बिरी खिम्स्थाल्ला। गुका रु
नुड ब्रेउ-खुदो पुथाल्लु। ५ यरूशलेम, खोत्ले
यहूदिया नुड यर्दन ब्लोकुकु होनो-आथोम
इलाकाडाम खोत्ले मुचुमिम यूहन्नाकाडा रोम्डी,

१२:१८ यरूशलेमडाम ८ कि.मी. उत्तरथोम देल। बेबिलोनीमिमका चुम्साका लमु डादो ओराम देल
उर्मिडीमा उनी चोच्चो सेन्साम्डीमा चोच्चोकु मामिम खाण्डुमि। (यर्मिया ३१:१५) आसिन्डा राहेल ऊ
चोच्चोमिमकाम लागि खाण्डा ज्वाक्मा- इस्राएलीमिमकाम लागि खाण्डाम रेम्बु।

१३:२३ नासरत देल्डाम।

१३:२ माम्चुनीकु-किब्दी ज्वाक्मा होप्पाम डा सो। माम्चुनीका साखाम थोमीमिम।

२:१५ होशे ११:१

६ मा मेर्मिमका बेम्डिम छुलमिम सोसाका यर्दन ब्लोकुडा यूहन्नालामका कु-रुदुम रम्डी।
 ७ लावो फरिसीमिम नुड सदुकीमिमगोडाम हापा मुचुमिम वो यूहन्नाकाडा कु-रुदुम रण्डा रोम्डिम ल्वास्तु। मेम्मा यूहन्नाका मेर्मिमलाई बुडुमी, “लु-फेले बेपा ब्लो होप्पाम मुचुनी, माम्चुनीका बोमु खाप्पीमिम नियालामका वाड दुम्मु कोडनिमका गानीलाई डिमसान्मु मेचाम्नी। ८ मेम्मिमका ईनी छुलमिमलामका माम्चुनीडा ख्लोन्सिदिनम रेम्बेपा खारी बेनी। ९ ‘गुकु ने अब्राहामकु चो-चुसु सो, मेम्मिमका देन्दे मेल्वाकु’ ज्वाक्पा ईनी त्वाप-त्वापगोडा मेमिम्सिट्नी, हेडालोने गो गानीलाई ज्वाडु, माम्चुनीका ओर्मिम लुडकाम वो अब्राहामकु चो-चुसु प्रडमु चाप्पी। १० धक्सा मिमकु फारगोयु खोका फल्मुडा खाण्डुमिम बु। मेम्मिमका जोपा मा मेसिट्पा खोत्ले धक्सा रुप्पी, मा मुड्डा ग्रोमी। ११ गो ने गानीलाई ईनी छुलमिमलाम माम्चुनीडा ख्लोसिबेट्पा कु-रुदुम ग्वानिनी, लावो गोडाम चडडा रोक्पा मुचु ने गोडाम वो घल्वापा बुमी। गो ने उनीमा डुल्लो दुम्साका उनीमा सोलोप कुर्म वो घ्रेटपा मेबुडु। गुमीका गानीलाई माम्चुनी-पेल नुड १ मुकु रुदुम ग्वानिमी। १२ स्याक्पा उनी स्वाफेमका जेप्सेर स्यामुडा खाप्पीमिम बु। मेम्मा गुमीका उनी देल्फु जोहोमका छिमी मा उनी जेप्सेर छेदेनेमडा खोप्साका जुल्मी, लावो होक्ते ने हेल्लो वो मेसिपा मुगोडा चामी।”

येशूका कु-रुदुम रम्डिम

(मर्कूस १:९-११; लूका

३:२१-२२; यूहन्ना १:३२-३४)

१३ मेकोतिमा यूहन्नालामका कु-रुदुम रण्डा येशू गालीलामका यर्दन ब्लोकुडा रोम्डी। १४ लावो यूहन्नाका आरे ज्वाक्साका गुमीलाई कु-रुदुम मेक्वामु माल्लु, “गानी डे गोलोई कु-रुदुम ग्वामु बासिक्पा ने, गानी हेडा कु-रुदुम रण्डा आमाडा रोनिम?” १५ येशूका गुनुड ज्वाम्डी, “ओम्लो आरेडा बे, हेडालोने

माम्चुनीका बेनी ज्वामीमिम खोत्ले बोमु बासी।” मेम्मा यूहन्नाका कु-रुदुम ग्वामु बिस्ता। १६ येशूका कु-रुदुम रम्डीमा पाखाला लुडगम्डी, मेकोतिलोडा पाही ह्वासिड्डा मा गुमीका माम्चुनी-पेल तुक्तुकुर होडडा बेपा योक्ताडा लेट्पा मा गुमीडला गन्तोडा बेपा ल्वाम्डी। १७ मेम्मा पाहीलामका कोड लोलामका आरे ज्वाक्ता, “गो छोम द्वाक्पुमिम ओराम आमा तारापाचो, गुडाम गो छोम गेर्सिक्पा बुडु।”

शैतानका येशूकु न छाम्दुम

(मर्कूस १:१२-१३; लूका ४:१-१३)

४ मेकोतिमा शैतानका येशूकु न छाम्मु लागि माम्चुनी-पेलका ज्याडगो-ज्याडगोथो लम्डी। २ गुमी ब्ल-धुम(४०) नेम्फु नुड सिन्थासम्म उपास बाम्डीमा छोम क्रुमसिम्डी। ३ मेकोतिमा न छाम्पा शैतान उनीमाडा रोक्तामा ज्वाक्ता, “गानी माम्चुनीकु तारापाचो माला ओर्मिम लुड सोबेम दुम्सा बेनी।” ४ येशूका गुलाई ज्वाम्डी, “माम्चुनीकु सीजेमडा ज्यामा बु: १ ‘सोबेमका कोड्डा मुचुकु साम जुल्मु मेचाप्सु, लावो माम्चुनीकु सिलामका लुक्पा खोत्ले सीजेमका ऊ साम जुलु’।” ५ मेकोतिमा शैतानका येशूलाई सैपा शहर यरूशलेमडा लडुमा सोरनेमकु जुजुला येम्सीबेड्डु। ६ मेम्मा गुमीलाई ज्वाक्ता, “गानी माम्चुनीकु तारापाचो माला ओलामका धाली भुनी, हेडालोने माम्चुनीकु सीजेमडा ज्यामा बु: *‘गुमीका गानालाई बोमु-थार्मु उनी पाहीचोमिमलाई ज्वामी, मा मेर्मिमका उनी ल्वाका गानालाई येम-येमडा भेनामी। मेम्मा ईमा खेल लुडडला मेथेम्सी’।” *भ-सं- ९१:११,१२ ७ येशूका मे शैतानलाई ज्वाम्डी, “माम्चुनीकु सीजेमडा ओराम

१३.११ सेपा दुम्बेट्पा।

१४.४ पोमुडुमु (व्य- ८:३)

वो ज्याकमा बु: *गाना ईमा मिप्रडमा माम्चुनीकु न मेछाम्डा।” *व्य. ६:१६ ८ आथावो शैतानका येशूलाई कोले येप्पा पोचडडला लडु, मा सुम्दीसेरडाम खोत्ले किब्दी नुड मेर्मिमकु जोप्सी रेम्बेडु, ९ मा गुमीलाई ज्वाक्ता, “गानी ऋचुखुम बेसाका गोलाई डोकुपु मिम्डिनीमा सेव सान्डिनी माला ओर्मिम खोत्ले गो गानीलाई ग्वानिनी।” १० मेकोतिमा येशूका शैतानलाई ज्वाम्डी, “शैतान, ओलामका लस्ल्याडा, हेडालोने माम्चुनीकु सीजेमडा ज्यामा बु: *गाना ईमा मिप्रडमा माम्चुनीलाई कोडडा डोकुपु मिम्साका सेव साडा, मा उनीमा कोडडा लाले-पाडके बे।” *व्य. ६:१३ ११ मेम्मा शैतानका गुमीलाई डिङ्जोल्लुमा लस्ता, मा पाह्नीचोमिम योम्डीमा येशूकु चापे-डुपे बेम्डी।

येशूका गालीलडा जोपा-सेला थोबेन्नु चोम्मिडिम

(मर्कस १:१४-१५; लूका ४:१४-१५)

१२ कु-रुदुम ग्वाक्पा यूहन्नालाई भयालखानडा चम्डी ज्वाक्पा ल्वा येशूका थोम्डीमा गालीलथो र्ल्लोम्सिम्डी। १३ डादो गुमी नासरतथो लम्डी, मेम्मा कफर्नहुम शहरथो लम्डी। ओराम शहर गालील क्षेत्रडाम दिरिदिन फार्डाम जबूलून नुड नप्तालीकु बायडा बेडु। १४ आरिसाका माम्चुनीलाम-जेपा यशैयाका ज्वाक्ताम ओराम सीजेम रोक्थिडडा: १५ * “जबूलून नुड नप्तालीकु बाय, यर्दन ब्लोकु होम्बु, दिरिदिनथो गालीलडा बाट्पा वाडसामा मुचुमिम, *यशै. ६:१-२ १६ माम्चुनी मेछेसाका तुकुम्चिमडा होडडा बाट्पा मुचुमिमका माम्चुनीकु सेल्सीकाम ओल ल्वाम्डिम बु। मेसिपा त्वारोम मेल्वापा मुचुमिमडला मे ओल भ्वाक्ताम बु।” १७ मेम्लो आथाम येशूका आरे ज्वाक्तो जोपा-सेला थोबेन्नु चोम्मिडी, “ईनी छुलमिमलामका माम्चुनीडा र्ल्लोन्सिदनी, हेडालोने पाह्नी-किब्दी फार्डाडा रोक्फार्डाम बु।”

येशूकु डादोम सीसिपामिम

(मर्कस १:१६-२०; लूका ५:१-११)

१८ गालील दिरिदिनकु फारभाल येशू लाम्दीतोडा लेट्मिडिम बाईडा। मेम्लो गुमीका पत्रूस ज्वामा सिमोन नुड ऊ ल्वाक अन्द्रियासलाई गालील दिरिदिनगोयु पालुड ओप्तोडा लेट्पा ल्वाम्डिची। हेडालोने मेर्चिपका डो सेट्पा मुचु बाच्ची। १९ गुमीका मेर्चिपलाई आरे ज्वाक्तो येट्मिडीची, “बिक्चीमा, गोनुड लाम्दीची, मेम्मा डो चुम्चिम होडडा मुचुमिमलाई आमाडा रेन्नु गो सीनिची।” २० मेकोतिलोडा मेर्चिपका उची पालुड डिङ्जोल्चीमा येशूनुड लाम्दील्याट्ची। २१ येशू मेलामका लक्तोडा बेम्डिलो जब्दियाकु तारापाचोचिप याक्ब नुड यूहन्नालाई ल्वाम्डी। मेर्चिपका उची पापे जब्दियानुड कुबी-बोकसाडला गन्तासिसाका उची पालुड फिर्तोडा बेच्ची। येशूका मेर्चिपलाई येट्मिडीची, २२ मा कुबी-बोकसा नुड उची पापलाई डिङ्जोल्चीमा येशूकु चडचड लाम्दील्याक्ची।

छोम सेर्पा मुचु येशूनुड लाम्दीम्डिम

(लूका ६:१७-१९)

२३ येशूका घोम्दीनेमिमबाडे सीतो नुड माम्चुनीकु-किब्दी दुथाम जोपा-सेला थोबेत्तो, मा खोत्ले खालकाम सोमोरी नुड नोपा मुचुमिलाई सबेत्तो गालीलडाम खोत्लेथो खिसिम्डी। २४ उनी खारीकु दुथाममिम ल्वामिम होनोवा बाटपा सिरिया क्षेत्रडा वो थोम्डी। मेम्मा नोपामिम खोत्लेलाई मुचुमिमका येशूकाडा रेट्मिडी। मुनाडपेलका हुपा, धामुलामका बेटपा, मा ल्वा-खेल सोक्पा, हेप्पाम नोपा सोमोरीनुडमा लोवो खोत्लेलाई येशूका सबेट्मिडी। २५ मेकोतिमा गालील, डेकापोलिस, यरूशलेम, खोत्ले यहूदिया नुड यर्दन

ब्लोकुकु पूर्वथोम छोम सेर्पा मुचु येशूनुड
लाम्दीम्डी।

येशूका सेर्पा मुचुलाई पोपचडडला लुम्ला बैट्मडिम

(लूका ६:२०-२६)

५ कोलाम सेर्पा मुचु खोम्सिक्पा
येशूका ल्वाम्डीमा पोपचडडला
लक्साका गन्मिडी। मेसिन्डा उनी
सीसिपामिम वो रोम्डी। २ येशूका
उनी सीसिपामिमलाई आरे ज्वाक्तो
सीमु चोम्मिडी: ३ “माम्चुनीकु डादोडा
याक्के दुम्पा मुचुमिम आलाकाम सो,
हेडालोने पाह्नी-किब्दी मेर्मिमकामडा
सो। ४ न-गोडा खापा मुचुमिम आलाकाम
सो, हेडालोने माम्चुनीका मेर्मिमलाई
गेर्सिबेन्मी। ५ याक्के दुम्पा मुचुमिम
आलाकाम सो, हेडालोने सुबु मेर्मिमकाम
दुम। ६ माम्चुनीकु डादोडा जोपा दुम्मु
छोम न बेर्पा मुचुमिम आलाकाम सो,
हेडालोने माम्चुनीका मेर्मिमकु गो
तिम्सिबेट्मी। ७ न-थोमनुड्या मुचुमिम
आलाकाम सो, हेडालोने मेर्मिमडला
माम्चुनीका न-थोम रेम्बोमी। ८ खोत्ले
उनी न-गोडा माम्चुनीलाई ग्वाक्पा
मुचुमिम आलाकाम सो, हेडालोने
मेर्मिमका माम्चुनीलाई ल्वामी। ९ न-
थोम घोम्बेट्पा मुचुमिम आलाकाम
सो, हेडालोने मेर्मिम माम्चुनीकु चो
दुम्मी। १० माम्चुनीकु मिक्सीलामडा
जोपा दुम्मु खारी बोमीमिमका उनी
थोमतेर्लासोसिक्पा मुचुमिम आलाकाम
सो, हेडालोने पाह्नी-किब्दी मेर्मिमकामडा
सो। ११ “गानी ने आलाकाम सो,
हेडालोने गानी आमा सीसिपा दुम्निमका
मुचुमिमका डक्साका जेमी, मा ईनी
थोमतेर्मी। मेम्मा ईनीमा दुथाम खोत्ले
मेजोपा ल्वा जेसाका लिमाथेन्मी।
१२ ईनी न-भ्रसीबेट्नीमा छोम गेर्सिद्वानी,
हेडालोने पाह्नीला गानी डोक्पु पुरस्कार
ल्वानी। गानीडाम वो हापा मार्कम

माम्चुनीलाम-जेपामिमलाई वो मेर्मिमका
आरेसाकाडा उनी थोमतेर्साम्डिम
बाईडा।

यो नुड ओलकु दुथाममिम सीसि

(मर्कस ९:५०; लूका १४:३४-३५; ११:३३)

१३ “गानी सुबुडाम *यो होप्पाम सो,
लावो योड्डा यो मेलु माला मेरामलाई
हामका यो लुपा दुम्बेन्मु चाप्सु मा?
मेराम ने हाम ना हामकाम दुम। मेम्मा
घोमीमा मुचुमिमका धेम्मी। *योका
पोमु-डुमु भ्रबेडु मा फिमेबेडु, मेम्साकाडा गानी
वो मुचुमिमलाई छुल बेबेट्पा मेएँ, जोपा लाम
सीपा दुम्मुबासी। १४ “गानी सुम्दीसेरडाम ओल
होप्पाम सो। पोपचडडला बनेबेम्मा शहर सुका
वो थमु मेचाप्पी। १५ सुका वो थिप्री चामीमा
खचाका चुप्साका मेजुल्मी, लावो नेमगोनो
बाटपा खोत्लेका ल्वामीनु ज्वाक्साका बोसोडला
जुल्मी। १६ मेमसाकाडा ईनीमा जोपा खारीमिम
भवामीनुमा मुचुमिमका ल्वामीनु। मेम्मा पाह्नीलाम
ईनीमा पापकु नड खोत्लेका कोमीनु।

मोशाकु डुम्ला होडडा रेथिड्डा खीष्ट योम्डिम

(लूका १६:१७)

१७ “मोशाकु डुम्ला लोवो माम्चुनीलाम-
जेपामिमका ज्वाम्डिम सीजेमलाई लोवो
हाम ना हामकाम दुम्बेड्डा गो योडडोम
ज्वाक्साका गानी मेर्मिसिन्नी, लावो
गो ने ओर्मिम ल्वा होडडा रेन्थिमु लागि
योडडोम सो। १८ आच्छाडा गो गानीलाई
ज्वाडु, सुबु नुड धामु मेदाममिमसम्म
माम्चुनीकु डुम्लागोडाम कोले वो मेदाम।
मेम्मा डुम्लाका ज्वाक्ताम खोत्ले ल्वा
होडडा मेरोक्थिट्थुमसम्म मेरामकाम
कोले याक्के मात्रा लोवो बिन्दुडा
वो मेदाम। १९ मेम्मिमका उहेमका
ओर्मिमगोडाम कोले याक्के ल्वा हाम
होडडा वो मेलु, मा वाडमिमलाई वो
मेमडा बेबेडुमी पाह्नी-किब्दीडा मेराम
मुचु खोत्लेडाम याक्के दुम। लावो

उहेमका ओर्मिम डुम्लाका ज्वामिम होम्साका बु, मा वाडमिमलाई वो मेमडा बोमु सीडुमी, पाही-किब्दीडा मेराम मुचु डोकुपु दुम। २० हेडालोने गो गानीलाई ज्वाडु, डुम्ला सीपा पातुम्री नुड फरिसीमिमडाम वो जोपा खारी मेबेनीवा माला पाही-किब्दीडा गानी हुमु मेल्वानी।

छोकचो मेबोमु ज्वाक्साका येशूका सीटिमडिम

२१ “माके-माकेम मुचुमिमलाई माम्चुनीकु सीजेमका आरे ज्वाक्ताम ने गानी थोन्निम बु, ‘मुचु मेसेडा, मा उहेमका मुचु सेडु, मेरामका देन्दे ल्वासु।’ *प्रस्थान २०:१३; व्य:५:१७ २२ लावो गो गानीलाई ज्वाडु, गानी कोडनिमनुड छोकचो बेन्नी माला देन्दे ल्वापा खालकाम मुचु दुम्नी। कोडनिमलाई गानी ‘ओईबु’ ज्वानी माला डोकुपु *अदालतका गानीलाई देन्दे ग्वाक्पा खालकाम मुचु दुम्नी। मेम्मा कोडनिमलाई गानी वार्डतो बेट्नी माला खादीगोयुम मुगोडा घुपा खालकाम मुचु दुम्नी। *माम्चुनीडा नियाबेपा दुम्पा अदालत। २३ “मेमिमका कोडनिमका ईनीमा कोर्थोलाम मेजोपा बुडुम ल्वा सोरनेमडाम सासेन्खोपडला सासेड्डा लनीलो मिम्ल्याट्नी माला, २४ सासेन्मु ईनी भेटी सासेन्खोप फार्डाडा पार्जोल्नी। मेम्मा लक्साका मेराम मुचुनुड ईनीमा न-थोम घोम्बेट्नी। मेकोतिमा रोकनीमा माम्चुनीलाई ईनीमा भेटी ग्वाक्नी। २५ “गानीलाई मुद्दा फिक्पा मुचुका अदालतडा लमु डादोडा मेरामनुड ईनी न-थोम घोम्बेट्नी। मेम मेबेनीवा माला गानीलाई मुद्दा फिक्पाका निया बेपा मुचुकाडा लनी। मेकोतिमा गुका प्रहरीकु ल्वाडा ग्वानीमा प्रहरीका गानीलाई भ्यालखानडा चनी। २६ आच्छाडा गो गानीलाई ज्वाडु, मेकोतिलो गानीलाई सोबेट्निम खउलुडकाम को पैसाडा वो मेसोसोक्थुमसम्म गानी मेलामका लुमु मेल्वानी।

नाम्सुर मेबेनी ज्वाक्साका येशूका सीटिमडिम

२७ “*‘नाम्सुर मेबे’ ज्वाक्पा माम्चुनीकु सीजेम ने गानी थोन्निम बु। *प्रस्थान २०:१४ २८ लावो गो गानीलाई ज्वाडु, उहेम मुचुका कोडनिम मेसेमनुड अम्पा नका रेण्डु, मेरामका ऊ न-गोडा मे मेसेमनुड डादोडा नाम्सुर बु। २९ मेमिमका ईनी जोपलाममिम मिक्सीका गानीलाई छुल बेबेनी माला, मेरामलाई थाट्नीमा घोनी। खोल्ले ईनी मिरोमडा खादीगोयु घोमीमिमडाम ने ईनी मिरोमकु कोले अंग मान्थिडा बुमु ईनीमा लागि जोपा दुम। ३० ईनी जोप ल्वाका गानीलाई छुल बेबेनी माला, मेरामलाई क्रिप्नीमा घोनी। खोल्ले ईनी मिरोमडा खादीगोयु घोमीमिमडाम ने ईनी मिरोमकु कोले अंग मान्थिडा बुमु ईनीमा लागि जोपा दुम।

वोचु-मोचु डिन्मेबोमुकु दुथाम येशूकु सीसि

(मत्ती १६:६; मर्कूस १०:११-१२; लूका १६:१८)

३१ “माम्चुनीकु डुम्लाका आरे ज्वाक्ताम गानी थोन्निम बु, *‘उहेमका ऊ नाईमे डिडु, मेरामका डित्तोम ज्वाक्पा कागज ज्वाक्नुमा ऊ नाईमेलाले ग्वानु।’ *व्य:२४:१ ३२ लावो गो ज्वाडु, ईनी नाईमेका नाम्सुर मेबेथुमसम्म गानी गुलाई मेडिड्नी वो। गानी गुलाई डिड्नी माला कोडनिमका वाडमिमकु नाईमेलाले लालीकुन्दा बुलो नाम्सुर बुमिम होडडा गुलाई वो गानी नाम्सुर बेबेनीमिम दुम।

कसम मेपेनी ज्वाक्साका येशूका सीटिमडिम

३३ “माके-माकेम मुचुमिमलाई आरे ज्वामा ने गानी थोन्निम बु, ‘मेरेन्थिनामिम कसम मेपे, लावो मिप्रडमानुड कसम पेन्नाम होडडा बे।’ *लेवी १६:१२; गन्ती ३०:२ ३४ लावो गो गानीलाई ज्वाडु, हाडकाम वो कसम मेपेनी। पाही नड सोसाका कसम मेपेनी, हेडालोने मेराम माम्चुनीकु *गन्खोप सो।

*माम्चुनीका साखाम थोमु गन्मीमिम गन्खोप सो। ^{३५} सुबु नड सोसाका वो कसम मेपेनी, मेराम ने माम्चुनीकु खेल जुल्खोप सो। यरूशलेम नड सोसाका वो कसम मेपेनी, मेराम खोलेडाम डोकपु *हपकु शहर सो। *माम्चुनी ^{३६} ईनी त्वाकु बुई सोसाका कसम मेपेनी, हेडालोने ईनीमा बुईडाम कोरिप सेम वो बुबुयाम लोवो केकेम लोवो बनेबोमु गानी मेचाम्नी। ^{३७} आच्छाडा माला आच्छाडा ज्वाक्नी। मेएँ माला मेएँ कोडडा ज्वाक्नी। ओरामडाम हापा ल्वा ने मुनाडकु डोकपुलामका रो।

सुडला वो छोकचो मेहान्मु ज्वाक्साका येशूका सीट्मिडिम

(लूका ६:२६-३०)

^{३८} “मोशाकु डुम्लाका आरे ज्वाक्ताम गानी थोन्निम बु, *कोलेका ईनी मिक्सी पियुडु माला, गानी वो मेरामकु मिक्सी पिन्साट्नी, मा ईनी लि आल्साट्नी माला, गानी वो ऊ लि आल्नी।’ *प्रस्थान २१: २४; लेवी २४:२०; व्य. १६:२१ ^{३९} लावो गो गानीलाई ज्वाडु, गानीलाई मेजोपा बेपा मुचुडला छोकचो मेहाट्नी। कोडनिमका ईनी जोपलाममिम फोसुडा याल्नी माला कोडमीलाममिम फोसुडा वो देन्साट्नी। ^{४०} कोडनिमका ईनी माक्ते लमु लागि मुद्दा ग्वानी माला मेरामलाई ईनी हुम-ये वो ग्वान्सोट्नी। ^{४१} कोडनिमका गानीलाई को माइलसम्म गुनुड लाम्दी बेट्नी माला नक माइलसम्मडा गुनुड लक्नी। ^{४२} गानीनुड हाम-हुम बिपामिमलाई ग्वाक्नी, मा गानीनुड जेर बिपामिमलाई मेग्वाक्पा न मेबेनी।

स्वाक्चुमो मुचुलाई रिखाम बोमुकु दुथाममिम सीसि

(लूका ६:२७-२८, ३२-३६)

^{४३} “*ईनी साउखोरेलाई रिखाम बेनी मा ईनी स्वाक्चिमो मुचुलाई रिखाम मेबेनी’ ज्वाक्पा गानी थोन्निम बु। *लेवी १६:१८ ^{४४} लावो गो गानीलाई ज्वाडु, ईनी स्वाक्चिमो मुचुलाई रिखाम बेनी, मा ईनी थोमतेसाक्पामिमकाम लागि सोम्दी बेनी, ^{४५} मेम

बेसाका गानी पाहीला बाटपा पापकु चोमिम दुम्नी। गुमीका जोपा नुड मेजोपा मुचु निफीकाम लागि नेप्सुड ओम्बेन्मी मा माम्चुनीकु डादोडा जोपा नुड मेजोपा खारी बेपा मुचु निफीकाडा व थुर्मी। ^{४६} गानीलाई रिखाम बेपालाई कोडडा रिखाम बोनी माला गानी हाम पुरस्कार ल्वानी मा?कर फक्पा मेजोपा मुचुमिमका वो मेमडा बोमी। ^{४७} ईनी डोप्सोमिमनुड कोडडा गानी दुसाका बुनी माला वाडमिमडाम गानी हाम जोपा बेन्नी मा? येशूडा थोरमेलुपामिमका वो मेमडा बोमी। ^{४८} लावो पाहीला बाटपा ईनी पाप होडडा गानी वो खोत्ले खारी जोपा बेनी।”

खेरेला दुम्पामिमलाई हाम-हुम ग्वामुकु दुथाममिम येशूकु सीसि

६ “चडचडया बानी वो! मुचुमिमलाम ईनीमा नड कोलासोम्सिम लागि मुचुमिमकु डादोडा जोपा खारीमिम मेबेनी। मेम बेन्नी माला ने पाहीलाम माम्चुनी ईनी पापका गानीलाई पुरस्कार मेग्वानी। ^२ मेमिमका खेरेला दुम्पा मुचुमिमलाई गानी हाम-हुम ग्वानीलो मिनी मिक्सीलामडा जोपा लिसिक्पामिमका मुचुमिमलाम नड कोलासोम्सिमु लागि घोम्दीनेमबाडे नुड लाम्दी-गुदुबाडे डोकपु रेम्बेम्सिप्मीमिम होडडा मेबेनी। आच्छाडा गो गानीलाई ज्वाडु, मेर्मिमका खोत्ले उनी पुरस्कार ल्वामु दुम्मिडिम बु। ^३ लावो खेरेला दुम्पामिमलाई हाम-हुम ग्वानीलो गानीनुड छोम दुपा ईनी डोप्सोकाडा वो मेचनु। ^४ मेम्साका मुचुमिमलाई गानी हाम-हुम ग्वानीलो सुका वो मेल्वाहोमका ग्वाक्नी। मेम्मा मेल्वाहोमका खारी बोनीमिम ल्वापा माम्चुनी ईनी पापका गानीलाई पुरस्कार ग्वाक्नी।

सोम्दीकु दुथाममिम सीसि

(लूका ११:२-४)

^५ “गानी सोम्दी बोनीलो मुचुमिमलाम ल्वालसोम्सिमु लागि लाम्खाबाडे

नुड घोम्दीनेममिमबाडे सोम्दी बोमु
 द्वाक्पा मुचुमिमकु मिक्सीलामडा जोपा
 लिसिक्पा मुचुमिम होडडा मेबान्सिट्नी।
 आच्छाडा गो गानीलाई ज्वाडु, मेर्मिमका
 खोत्ले उनी पुरस्कार ल्वामु दुम्मिडिम
 बु। ६ लावो गानी सोम्दी बोनीलो नेमकु
 गोनोम बाखोपनो हुनी। लाम्चोको चनीमा
 सुका वो ल्वामु मेचाप्पीमिम माम्चुनी
 ईनी पापलाई सोम्दीडा देप्नी। मेम्मा
 मेल्वाहोमका बोनीमिम खारी ल्वापा
 माम्चुनी ईनी पापका गानीलाई पुरस्कार
 ग्वानी। ७ “गानी सोम्दी बोनीलो माम्चुनी
 मेछेपा मुचुमिमका होडडा न ना थोमका
 सोम्दी मेबेनी। हापा ल्वामिम सोसाका
 सोम्दी बिईलो माम्चुनीका थोमी ज्वाक्पा
 मेर्मिमका मिम्मी। ८ मेर्मिम होप्पाम गानी
 मेदुम्नी, हेडालोने गानी गुमीनुड बिमु
 डाँदोडा गानीलाई उहेम ल्वाकाम खेरला
 बु, मेराम माम्चुनी ईनीमा पापका चमी।

९ “गानी ने आरसाका सोम्दी बेनी:
 ‘पाहीला बाट्पा आकीमा पाप,
 ईनीमा सेपा नड कोसीनु,
 १० ईनीमा किब्दी रोनु,
 पाहीला होम्साकाडा ओराम सुबुडा
 वो रोथिनु।
 ११ हेल्लो लोवो गुकुलाई चाहेदुम्पा
 पोमु-डुमु
 आनेप वो ग्वाक्किनी,
 १२ आकी कोर्थोलाम बक्पामिमकु
 छुल हेप्साक्तोकोम होडडा
 आकी छुलमिम हेप्साक्कीनी,
 १३ मेजोपा ल्वालाम न-छाम्सीमु
 मेग्वाक्किनी,
 लावो मेजोपा मुनाडलामका सेल्किनी।
 [हेडालोने किब्दी, युम नुड युम-
 भवाक्सी, हेल्लो लोवो
 ईनीमाडा सो।]’

१४ “ईनी कोर्थोलाम बक्पामिमकु छुल
 हेम्साट्नी माला पाहीला बाट्पा माम्चुनी
 ईनी पापका ईनी छुलमिम हेम्सानी।

१५ लावो गानी वाडमिमकु छुल हेम्सामु
 मेबिन्सिट्नीवा माला माम्चुनी ईनी
 पापका ईनी छुलमिम मेहेम्सानी।

उपास बुमुकु दुथामिम सीसि

१६ “गानी उपास बनीलो मुचुमिमकु
 मिक्सीलामडा जोपा लिसिक्पामिम
 होडडा ईनी डाली मेडन्थाट्नी। हेडालोने
 मेर्मिमका उपास बाम्डिम मुचुमिमलाई
 रेम्बोमु लागि उनी डाली डमी। आच्छाडा
 गो गानीलाई ज्वाडु, मेर्मिमका उनी
 पुरस्कार ल्वामु दुम्मिडिम बु। १७ लावो
 गानी ने उपास बुनीलो ईनी बुईडा तेलका
 क्लक्साका ईनी सेम डुट्नी, मा ईनी
 कल सोल्नी। १८ मेम्साका गानी उपास
 बुनीमिम मुचुमिमका मेएँ, मेल्वासीमिम
 माम्चुनी ईनी पापका कोडडा ल्वामीनु।
 मेल्वाहोम्का खारी बेम्मा ल्वापा माम्चुनी
 पापका गानीलाई पुरस्कार ग्वानी।

पाहीलाम खाप्चीकु दुथामिम सीसि

(लूका १२:३३-३६; १६:१३)

१९ “ईनीमा लागि ओ सुबुडा खाप्ची
 मेफुट्नी। आसिन्डा ने मे खाप्ची तुमका
 पु, खियाका पु, खुचुवाका नेम पिसाका
 खुमी। २० लावो ईनीमा लागि पाहीला
 खाप्ची फुट्नी, मेला ने तुमका वो मेपु
 मा खियाका वो मेपु। मेम्मा खुचुवाका
 वो पिसाका खुमु मेचाप्सु। २१ बान्ते
 ईनी खाप्ची बु, मेसिन्डाडा ईनी न वो
 दुम। २२ “मिक्सी ने मिरोमडाम ओल
 होप्पामडा सो। ईनी मिक्सी जोपा बु
 माला खोत्ले ईनी मिरोमडा ओलनुडमा
 दुम। २३ लावो ईनी मिक्सी मेजोपा बु
 माला खोत्ले मिरोमडा तुकुम्चिमनुडमा
 दुम। गानीगोडा बाटपा ओल तुकुम्चिम
 दुस्ता माला गानी छोम मेजोपा दुम्नी।
 २४ “सुका वो नले नेमहपचिपकु चापे-डुपे
 बोमु मेचाप्सु। मेरामका कोलेलाइर्
 रिखाम बु, मा कोडमीलाई मेद्वाकु।
 मेराम डुल्चो कोले नेमहपकु ल्वाडा दुम,

मा कोडमीलाई हाम ना हामकाम मिम्डु।
ईनीमा लागि खउलुडडा डोकपु लुनी
माला माम्चुनीकु सोरलोले बोमो गानी
मेचाम्नी।

पोमु-डुमुकाम मिम्ताम-सोर्ताम मेबोमोमुकु दुथाम येशूकु सीसि

(लूका १२:२२-३१)

२५ “मेमिमका गो गानीलाई ज्वाडु,
ईनी साम जुल्मुकाम लागि हाम पोमु-डुमु
मा मिरामकाम लागि हाम फम्सिम
ज्वाक्साका मिम्ताम-सोर्ताम मेबेनी।
पोमु-डुमुडाम साम डोकपु मा ये-सेमडाम
मिराम डोकपु मेएँ मा? २६ चक्पुमिमलाई
रेप्नी, मेर्मिमका मा-के मेखिल्ली, मा
मेहिम्मी, छेदेनेमडा वो मेजुल्मी, लावो
पाह्रीलाम माम्चुनी ईनी पापका मेर्मिमलाई
पोमु-डुमु ग्वामी। माम्चुनीकाम लागि
हाम गानी मेर्मिमडाम वो हापा थिकाम
मेबुनी मा? २७ गानी मिम्ताम-सोर्ताम
बोनीमिमका ईनी सोररिप किचो
लोवो बर्बेन्मु चाम्नी मा? २८ “मेम्मा
ये-सेमकाम लागि हेडा मिम्ताम-सोर्ताम
बोनी? सोब्दीडाम लिलीमिम बुडमा
हेसाका बर्मी, मेराम रेप्नी। मेर्मिमका
ब्राम्दुल्वा मेबोमी, उनीमा ये-सेम मेफिर्मी।
२९ सोलोमन हप वो छोम खाप्चीचो
बाईडा, मा वो मे बुडमामिम कोतिम
वो जोपा दुम्साका ब्वास्ताम मेबाया।
३० आनेप बाटपा मा दिकाम मुडडा
घ्रुपा सोब्दी बुडमालाई ने माम्चुनीका
आरेसाका रेम्मी माला गुमीका गानीलाई
आच्छाडा मेरेम्नी मा? हेडा गानी कि-कि
थोरलुनीमिम? ३१ मेम्मिमका ‘हाम पोमु?’
डे ‘हाम डुमु?’ डे ‘हाम फम्सिम?’
ज्वाक्साका मिम्ताम-सोर्ताम मेबेनी।
३२ माम्चुनीडा थोर मेलुपामिमका डे
आरेप्पाम ल्वाकु मिम्ताम-सोर्ताम बोमी,
लावो पाह्रीला बाटपा ईनी माम्चुनी
पापका ओर्मिम खोत्ले गानीलाई बासी
ज्वाक्साका डादोडा चमी। ३३ डादो

माम्चुनीकु किब्दी माल्नी, मा उनी
डादोडा जोपा खारी बेनी। मेम्मा ओर्मिम
खोत्ले ल्वामिम गुमीका गानीलाई
ग्वानी। ३४ मेम्मिमका दिकाम लागि
मिम्ताम-सोर्ताम मेबेनी। हेडालोने दिकाम
लागि दिकाडा मिम्ताम-सोर्ताम बेपा थारी
रो। आनेपमिम दुखा आनेपमिमकाम
लागिडा छोम डासेटपा बु।

वाडमिमकु निया मेबेनी

(लूका ६:३७-३८, ४१-४२)

७ “वाडमिमकु निया मेबेनी, मा
माम्चुनीका ईनीमा वो निया
मेबोमी। २ हेडालोने वाडमिमलाई गानी
हेबोनी, गानी वो मेमडा बेलासोन्सिनी।
वाडमिमकु निया बोनीलो बाम थोमसड
मोनी, मेराम थोमसडकाडा ईनीमा वो
निया दुम। ३ “गानी ईनी वा-ल्वाककु
मिक्सीडा गन्पा कतिकल्पा फूर्कु ल्वानी,
लावो ईनी त्वाकु मिक्सीडा कार्तासिट्पा
डोकपु सड ने हेडा मेल्वानी? ४ गानी
ईनी मिक्सीडा कार्तासिट्पा डोकपु सड
ने मेल्वानी माला हेसाका ईनी त्वाकु
वा-ल्वाकलाई, ‘छारी, ईमा मिक्सीडा
गन्पा फूर्कु गो पार्सानी’ ज्वानी मा?
५ मुचुमिमकु डादोडा जोपा लिसिक्पा
मुचुनी, डादो ईनी त्वाकु मिक्सीडा
कार्तासिट्पा डोकपु सड थाटनीमा पानी।
मेम्मा ईनी वा-ल्वाककु मिक्सीडा गन्पा
फूर्कु जोहोमका ल्वानी, मा पार्सामु
चाम्नी। ६ “हापा थिकाम ल्वामिम
मेजोपा मुचुमिमलाई मेग्वाक्नी। हापा
थिकाम ल्वामिमलाई हाम ना हामकाम
बेपा ब्वामिम होप्पाम नुड गानीलाई
घ्रमु माल्पा खलेबामिम होप्पाम मेर्मिम
बुमी।???

माम्चुनीनुड बिनी

(लूका ११:९-१३)

७ “बिनी, मा गानी ल्वानी, माल्नी, मा
गानी डानी, नेमगोनो हुमु लागि हेलाबेनी,

मा ईनीमा लागि लाम्चोको होल्सी।
 ८ हेडालोने उहेमका बियु, मेरामका
 ल्वासु। उहेमका मालु, मेरामका डारु।
 उहेमाक नेमगोनो हुमु लागि हेला बु,
 मेरामकाम लागि लाम्चोको होल्सी।
 ९ “गानीगोडा सु बु, ऊ तारापाचोका
 सोबेम बियुलो लुङ ग्वाक्पा? १० डे डो
 बियुलो ब्लो ग्वाक्पा? ११ गानी छुलचो
 बुनीमा वो ईनी चोमिमलाई जोपा-
 जोपा ल्वामिम ग्वामु थेनी। पाहीलाम
 माम्चुनी ईनी पापका गुमीनुड बिपा
 मुचुमिमलाई छोम हापा जोपा ल्वामिम
 ग्वामी। १२ वाडमिमका गानीलाई
 हेप्पाम बोमीमिम द्वानी, गानी वो
 मेर्मिमनुड मेमडा बेनी। मोशाकु डुम्ला
 नुड माम्चुनीलाम-जेपामिमकु खोत्ले
 सीसि ओरामडा सो।

कतिभापा नुड भापा लाम्चोको

१३ “कोतिभापा लाम्चोकोलाम
 माम्चुनीकु-किब्दीगोनो हुनी। पुयु लुक्पा
 खोमडा रथिक्पा लाम्दी भापा दुम,
 मा ओराम लाम्दी लाम्दीमु छेपा हापा
 मुचुमिमकाम लागि ओरामकु लाम्चोको
 भापा बु। १४ लावो त्वारोम ल्वामु
 लाम्दीपा लाम्दी लाम्दीमु मेभापा बु, मा
 मेगोनो हुखोप लाम्चोको कतिभापा बु।
 कोले-नले मुचुका कोडडा ओराम लाम्दी
 डार्मी।

धक्सा नुड मेरामकु मा

(लूका ६:४३-४६; १३:२५-२७)

१५ “ऊ डलाम भेन्दा होडडा बेपा
 लावो डिमलुपा फारामिम होप्पाम
 माम्चुनीलाम-जेपा लिसिक्पामिमडाम
 चडचडया बानी वो! १६ मेर्मिमलाई
 गानी उनी खारीलामकाडा छेनी। चुकु
 धक्साडा अंगुर मेसिडु, मा दोचुकु
 धक्साडा बैशसी मेसिडु। १७ मेमसाका
 जोपा धक्साडा जोपा मा सिडु। मेजोपा

धक्साडा मेजोपा मा सिडु। १८ जोपा
 धक्साडा मेजोपा मा मेसिडु। मेजोपा
 धक्साडा जोपा मा मेसिडु। १९ मेर्मिमका
 जोपा मा मेसिट्पा खोत्ले धक्सा
 रुप्मी, मा मुगोडा ग्नोमी। २० आरेसाका
 मेर्मिमका बोमीमिम खारीलामका
 माम्चुनीलाम-जेपामिमलाई गानी छेनी।
 २१ “गोलाई ‘डाचो’ ज्वाक्पा खोत्ले
 पाही-किब्दीगोडा मेहुमी। पाहीला बाट्पा
 आमा पापकु न होम्साका खारी बेपामिम
 कोडडा मेगोडा हुमु ल्वामी। २२ *मेनेम
 हापा मुचुका गोलाई ज्वामी, ‘डाचो,
 गुकु ईनीमा नडडा माम्चुनीलाम-जेतोको,
 मुनाडमिम कोल्लोको, मा युमनुडमा
 खारीमिम बेतोको। *माम्चुनीका खोत्ले
 मुचुकाम निया बोमीमिमनेम। २३ गो मेर्मिमलाई
 ज्वाडु, ‘गो गानीलाई हेल्लो वो छेट्नीनिमडा
 मिबु। माम्चुनीकु डुम्ला होम्साका खारी मेबेपा
 मुचुनी, आमा फार्डा मेबानी।’

नेप्चीनुडमा नुड नेप्ची मान्थिम नेम बनेबेपा मुचु

(लूका ६:४७-४९)

२४ “उहेम मुचुका आमा सीसि थोसु,
 मा मेराम होम्साका खारी बु, मेराम मुचु
 मेदोपा लुडडला नेम बनेबेपा नेप्चीनुडमा
 मुचु होप्पामडा सो। २५ व योक्ता, मा
 होडकोर्मा योक्ता, ब्लोजु फुडडुमा
 मेराम नेम याक्तु। मेम्मा वो मेराम नेम
 मेभासावा, हेडालोने मेराम नेम मेदोपा
 लुडडला बनेबेम्मा बाईडा। २६ लावो
 उहेम मुचुका आमा सीसि थोसु, मा मेराम
 होम्साका मेबु, मेराम मुचु सेक्केडला नेम
 बनेबेपा नेप्ची मान्थिम मुचु होप्पामडा
 सो। २७ व योक्ता, मा होडकोर्मा योक्ता,
 ब्लोजु फुडडु। मेम्मा मेराम नेम याक्तुलो
 मेराम नेम भास्ता, मा स्याकारिस्ता।
 २८ येशूका ओर्मिम ल्वा सीमु दुम्मिडीमा
 येशुकु सीसिडा सेर्पा मुचु डाडाया
 दुम्मिडी, २९ हेडालोने मेर्मिमकु डुम्ला
 सीपा पातुम्मीमिमका होम्साका मएँ,

साखामनुडमा मुचुका होम्साका येशूका सीटिमडिम बाईडा।

येशूका जोन बेटपा मुचुलाई सबेटिमडिम

(मर्कस १:४०-४५; लूका ५:१२-१६)

८ येशू पोपचडलामका धाली योम्डिम चडडा छोम सर्पा मुचु गुमीनुड लाम्दीम्डी। २ मेम्मा जोनका बेटपा कोले मुचु उनीमाडा रोकतामा उनी डादोडा ऋचुखुम बेत्तो आरे ज्वाक्ताम-ज्वाक्तामडा बुडु, “डाचो, गानी न बोनी माला गोलाई *सेपा दुम्बेन्मु चाम्डिनी।” ३ *सबेन्मु। यहूदीमिमका आरेप्पाम सोमोरीलाई मेसेपा मिम्मी। ३ गुमीका उनी ल्वा हम्मिडीमा मेराम मुचुलाई लुप्पिडी। मेम्मा ज्वाम्डी, “गो न बेऊ, गाना सेपा दुम्मानु।” मेकोतिलोडा मेरामकु जोन हेम्ल्यासिडडा। ४ मेकोतिमा येशूका मेराम मुचुलाई ज्वाम्डी, “ओरामकु दुथाममिम ल्वा गाना सुनुड वो मेसोया वो। लावो दुम्लाचोकाडा लक्सा, मा गुका रेम्मानु। मेम्मा जोन बेटपा मुचु सलो सासेन्मु बासी ज्वाक्साका मोशाकु दुम्लाका ज्वाक्ताम होडडा बे। आरे बेसाका गाना सन्नाम बु ज्वाक्पा खोत्लेका चमी।” *जोनका बेटपा मुचु सलो सासेन्मु बासिकपाकु दुथाममिम ल्वा लेवी १४:२-३२डा रेन्नी।

रोमी कप्तानका येशूडा बुडुम थोर

(लूका ७:१-१०)

५ येशू कफर्नहुम शहरडा रोम्डीलो कोले रोमी कप्तान रोकतामा गुमीनुड आरे ज्वाक्ताम-ज्वाक्तामडा बुडु, ६ “डाचो, कोले आमा डुल्चो ऊ ल्वा-खेल सोक्पा सोमोरीका छोम नोपामा आमा नेण्डा भाल्याक्पा बु।” ७ येशूका मेरामलाई ज्वाम्डी, “गो रोडुमा मेरामलाई सबेटपु।” ८ लावो कप्तानका ज्वाक्ता, “डाचो, गानीलाई आमा नेण्डा येन्मु घेटपा गो मेबुडु। गानी जेनी कोडडा आमा डुल्चो स। ६ हेडालोने गो वो आ डोकपु मुचुकु ल्वाडा बुडु, मा आमा ल्वाडा

सिपाहीमिम बुमी। कोलेलाई गो ‘लक्सा’ बेऊ, मा मेराम ल। कोडमीलाई ‘रोका’ बेऊ, मा मेराम रो। आमा डुल्चोलाई ‘आरे बे’ बेऊ, मा मेरामका बु। १० ओराम ल्वा थोम्डीमा येशू डाडाया दुम्पिडी, मा उनी चडचड बिक्तोडा बेपा मुचुमिमनुड ज्वाम्डी, “आच्छाडा गो गानीलाई ज्वाडु, इस्राएलीमिम खोत्लेगोडा आरेप्पाम डोकपु थोर गो ल्वाउतोम मिबु। ११ गो गानीलाई ज्वाडु, पूर्व नुड पश्चिम सुम्दीसेर खोत्लेलामका वाडसामा मुचुमिम हापा रोमी। मेम्मा अब्राहाम, इसाहक, याकूबनुड पाही-किब्दीडा गुरला पेण्डा मर्मिम गन्मी। १२ लावो माम्चुनीकु-किब्दी डारपा इस्राएलीमिम ने तुकुम्चिमगोडा ग्रीलासोम्सिप्पी। मेगोडा मुचुमिम उनी लि खेतो खाम्मी।” १३ मेकोतिमा येशूका मे रोमी कप्तानलाई ज्वाम्डी, “लक्सा, गाना थोरलुन्नाम होडडा दुम्नु।” मेम्मा मेकोतिलोडा ऊ डुल्चो सस्ल्याडडा।

नोपा हापा मुचुमिमलाई येशूका सबेटिमडिम

(मर्कस १:२६-३४; लूका ४:३८-४१)

१४ मेकोतिमा येशू पत्रुसकु नेण्डा रोम्डी, मा पत्रुसकु नाईमेकु माम डार्चुमोका नोपामा भाल्याक्पा ल्वाम्डी। १५ गुमीका मे मेसेमकु ल्वा लुप्पिडी, मा डार्चुमोका गुलाई डिड्ल्याडु। मेकोतिमा गु बक्तामा येशूकु चापे-डुपे बुडु। १६ नेम्था दुस्तालो मुचुमिमका मुनाडका हुपा हापा मुचुलाई येशूकाडा रेटिमडी। मेम्मा गुमी जम्डिमा मे मुनाडमिमलाई कोल्मिडी, मा नोपा मुचुमिम खोत्लेलाई सबेटिमडी। १७ माम्चुनीलाम-जेपा यशैयाका आरे ज्वाक्ताम होडडा रेन्थिमु लागि गुमीका आरे बेम्डिम बाईडा: ‘गुमीका ईकी नोसीमिम रम्डी, मा सोमोरीमिम हेम्पिडी।’ *यशैया ५३:४

येशूकु सीसिपा दुम्पा मुचु

(लूका ६:५७-६२)

१८ येशूका सेर्पा मुचुलाई उनी होनोला-आथोला ल्वाम्डी। मेम्मा उनी सीसिपामिमलाई दिरिदिनकु होम्बुनो लक्सी बेम्डी। १९ मेकोतिमा कोले दुम्पा सीपा पातुम्री उनीमाडा रोक्ता, मा गुमीनुड ज्वाक्ता, “सीपा, गानी बान्ते-बान्ते लनी, गो वो ईनीमा चडचड लडु।” २० येशूका मेरामलाई ज्वाम्डी, “सेरूलीमिमकाम उनी बाखोप रोडगा बु। चक्पुमिमकाम वो उनी बाखोप पान्जी बु, लावो *मिनीचोकाम ने डेसिखोप वो मिबु।” *मिनीचो ज्वाक्ता: खोत्ले मुचुकाम लागि सेल्पा दुम्पु माम्चुनीका गुमीलाई थुटिमडिम बु ज्वाक्पा रेम्बोमु येशूका उनी त्वापलाई डा ज्वाम्डिम नड(दानिएल ७:१३-१४)। २१ उनी सीसिपामिमगोडाम कोलेका ज्वाक्ता, “डाचो, डादो गो नेम लक्साका आमा पापलाई क्लुम्पु ग्वाङ्नी।” २२ लावो येशूका मेरामलाई ज्वाम्डी, “आमा चडचड लाम्दीया, मेसिपा त्वारोम मेल्वासाका सिपामिमकाडा सिपा रोम क्लुम्पीनु।”

येशूका ब्लोजु हेप्मिडिम

(मर्कस ४:३५-४१; लूका ८:२२-२५)

२३ येशू कुबी-बोक्साडला हुम्डी, मा उनी सीसिपामिम वो गुमीनुडडा लम्डी। २४ मेम्मा कोचोत्ति दिरिदिनडा छोम डोकपु ब्लोजु फुड्डु। मेम्मिमका कुकु बाबारिमका कुबी-बोक्सा कुगोयु ज्वावा प्लुम्डु, लावो येशू ने अम्चेटपा बाम्डी। २५ उनी सीसिपामिम लम्डीमा आरे ज्वाक्तो येशूलाई फम्डी, “डाचो, गुकुलाई सेल्किनी, गुकु ने कुगोयु प्लुम्सिमुमा सिमु खाम्कु।” २६ येशूका मेर्मिमलाई ज्वाम्डी, “याक्के थोरनुडमा मुचुनी, गानी हेडा डिनीमिम?” मेकोतिमा येशू बम्डीमा ब्लोजु नुड कुकु बाबारिमलाई भुर्मिडी, मा छोम पपया

दुस्ता। २७ सीसिपामिमका आरे ज्वाक्तो डाडाया दुम्मिडी, “गुमी ने हेप्माम मुचु डे? ब्लोजु नुड कुकु बाबारिमका वो गुमीका ज्वामीमिम होडडा बोमी रेछा!”

ंमुनाडका हुपा नले मुचुलाई येशूका सबेटिमडिम

(मर्कस ५:१-२०; लूका ८:२६-३६)

२८ गालील दिरिदिनकु होनो होम्बुम कोडमी खोम दरिनीमिमकु इलाकाडा येशू रोम्फाम्डी। मेकोतिलो मेसिन्डा सुलुमलामका बिकतोडा बेपा मुनाडका हुपा नले मुचुचिपका गुमीलाई क्रोम्ची। मेर्चिप छोम डिमलुपा बाच्चिमका मेराम लाम्डी लाम्दीमु सुका वो मेचाम्थाल्मीवा। २९ मेर्चिपका डोकपु लोलामका आरे ज्वाक्तो येमु चोम्ची, “माम्चुनीकु तारापाचो, गानी गुचुकुलाई हाम बोमु माल्चीकिनीमिम? हाम माम्चुनीका मुलु बेम्डिम थारीडाम वो डादोडा गानी गुचुकुलाई दुखा ग्वाप्डा रोकिनम?” ३० मेसिन्डाडा किचो होनोक्तो सेर्पा ब्वा जातोडा लेटिमडी। ३१ मेम्मिमका मुनाडचिपका येशूनुड आरे ज्वाक्चिम-ज्वाक्चिमडा बेच्ची, “गानी गुकुलाई ओ मुचुचिपलामका कोल्किनीमिमडा माला सेर्पा ब्वागोनो हुमु ग्वाक्किनी। ३२ गुमीका मे मुनाडमिमलाई ज्वाम्डी, “लक्नी।” मेम्मा मे मुनाडमिम मे मुचुचिपलामका लुम्डीमा ब्वामिमगोनो हुम्डी, मा मे सेर्पा ब्वा भ्वाधालु हिरिमाक्सी ओन्तो लम्डीमा दिरिदिनगोयुम कुड्डा प्लुम्सिमडीमा सिम्डी। ३३ मेम्मा ब्वा रेपा मुचुमिम मेमबाडेम शहरथो स्वाम्डी, मा मेसिन्डा हाम दुस्ताम मा मुनाडका हुपा मुचुचिप हाम दुम्ची, मेर्मिम ल्वा खोत्लेनुड सोच्ची। ३४ शहरडाम खोत्ले मुचु येशू क्रोम्डा रोम्डी। मेम्मा मेर्मिमका येशूलाई ल्वाम्डीमा मेलामका लक्नीमा लक्नी बेम्डी।

येशूका ऊ ल्वा-खेल सोक्पा मुचुलाई सबेटिमडिम

(मर्कस २:१-१२; लूका ५:१७-२६)

६ मेकोतिमा येशू कुबी-बोकसाडला हुम्डीमा दिरिदिनकु होनो होम्बुनोम उनी त्वाकु शहरथो र्लोम्सिम्डी।

२ ऊ ल्वा-खेल सोक्पामा ऊ प्लानडा भाल्याक्पा कोले मुचुलाई मुचुमिमका कुर्मिडीमा येशूकाडा रेटिमडी। मे मुचुमिमका गुमीडला थोर बेम्डिम ल्वाम्डीमा येशूका ऊ ल्वा-खेल सोक्पा मुचुलाई ज्वाम्डी, “छारी, गेसा, ईमा छुलमिम हेम्सिम्डिम बु।” ३ यहूदीकु डुम्ला सीपा पातुम्रीमिमका येशूका आरे ज्वाम्डिम ल्वा थोम्डीमा आरे ज्वाबोमु चोम्मिडी, “ओरामका ने माम्चुनीलाई डक्सका जेतोडा लेडु।” ४ मेर्मिमका हाम मिम्तोडा लेन्मी ज्वाक्पा ल्वा येशूका चम्डीमा ज्वाम्डी, “गानी हेडा ईनी नडा आरेप्पाम मेजोपा मिन्मीमिम? ५ ‘ईमा छुलमिम हेम्स्ताम बु’ डे ‘बकामा लाम्दीया’ ज्वामु भ्रापा दुम मा? ६ लावो सुबुडा छुलमिम हेप्साक्पा साखाम मिनीचोनुड बु ज्वाक्पा गो गानीलाई रेम्बेनीनी।” मेकोतिमा गुमीका ऊ ल्वा-खेल सोक्पा मुचुलाई ज्वाम्डी, “बका, ई प्लान फकामा नेम लक्स।” ७ मेराम मुचु हुबक्ता, मा ऊ नेम लस्ता। ८ सेर्पा मुचुका ओराम ल्वाम्डीमा छोम डिम्डी। मुचुमिमलाई आरेप्पाम युम माम्चुनीका ग्वाम्डिमका मेर्मिमका माम्चुनीकु नड कोम्डी।

येशूका मत्तीलाई येटिमडिम

(मर्कस २:१३-१७; लूका ५:२७-३२)

६ येशू मे शहरलामका लक्तोडा बेम्डिलो मत्ती नडकाम कोले मुचु कर फखोपडा गन्तासिट्पा ल्वाम्डी। मेम्मा गुमीका मेरामलाई ज्वाम्डी, “गोनुड लाम्दीया।” मेकोतिमा मेराम

बक्तामा गुमीनुड लाम्दीडा। १० येशू उनी सीसिपामिमनुड गुला पेप्डा मत्तीकु नेप्डा लम्डी। मेसिन्डा कर फक्पामिम नुड छुलचोमिम हापाका वो गुमीनुड पेटिम बाम्डी। ११ फरिसीमिमका ओराम ल्वाम्डीमा येशूकु सीसिपामिमनुड ज्वाम्डी, “ईनीमा सीपाका कर फक्पामिम, छुलचोमिमनुड हेडा पोमी-डुमीमिम?” १२ ओराम थोम्डीमा येशूका ज्वाम्डी, “मेनोपा मुचुलाई डाक्टर मेबासी, लावो नोपा मुचुलाई बासी। १३ *‘हादी-बारामिम आमा नडडा सामेसेसाका न-थोमनुडमा दुम्नी।’ ज्वाक्साका माम्चुनीकु सीजेमका ज्वामु मालुमिम ल्वा लक्नीमा थेसिथेट्नी। माम्चुनीकु मिक्सीलामडा जोपा बुडु ज्वाक्साका मिम्सिक्पा मुचुमिमलाई मेएँ, छुलचो ज्वाक्साका मिम्सिक्पा मुचुमिमलाई येड्डा गो योडडोम सो।

*हाशे ६:६

उपास बुमुकु दुथाम हिलाहिसी

(मर्कस २:१८-२२; लूका ५:३३-३६)

१४ कोलेम कु-रुदुम ग्वाक्पा यूहन्नाकु सीसिपामिम येशूकाडा रोम्डी, मा गुमीनुड हिलाबेम्डी, “फरिसीमिम नुड गुकु उपास बुकु, लावो ईनीमा सीसिपामिम ने हेडा उपास मेबुमीमिम?” १५ येशूका मेर्मिमलाई ओराम सोम्दीलामका ज्वाम्डी, “लालीकुन्दाकाम थारीका लारेपा मेर्मिमनुड बुमिमसम्म हाम जन्तिमिम येमी-खाम्मी मा? लावो आरेप्पाम थारी रो, मेर्मिमनुड बाटपा लारेपा मेर्मिमडाम वाड दुम। मेनेम मे जन्तीमिम उपास बुमी। १६ “सुका वो चेम्पामा भोट्पा येडला जोपा येका मेफिरु, फिरु माला मे फिर्मा येका आक्सु, मा डादोमडाम वो हापा आसी। १७ सुका वो *मालो प्लोक्तोडा लेट्पा अडगुरकु कु डादो बेनेबेम्मा कोक्तेकु सोजामडा मंजुलु। जुल्लु माला मे कोक्तेकु सोजाम

मेरामका पियु, मा अडगुरकु कु हासी।
मेम्मा मे सोजाम वो पारीमिम दुम। मालो
प्लोक्तोडा लेटपा अडगुरकु कु मालो
बनेबेम्मा कोक्तेकु सोजामडाडा जुल्मु
बासी, मा निफीडा हे वो मेदुम। * मालो
प्लोक्तोडा लेटपा अडगुरकु कु ज्वाक्मा- लाले
सीसि सो। लाले सीसि नुड माकेम डुम्लाकु
सीसिनुड मेग्रोम।

येशूका याइरसकु जाउमोचो सिमुलामका फम्डिम नुड सिसि लक्पा सोमोरीनुडमा मेसेम सबेटिमडिम

(मर्कस ५:२१-४३; लूका ८:४०-५६)

१८ येशूका मेर्मिनुड ओराम ल्वा
ज्वाक्तोडा लेटिमडीलो घोम्दीनेमडाम
डाउ रोकता। मेम्मा येशूकु खेल चुम्साका
आरे बुडु, “डाचो, आमा जाउमोचो
मालोडा सिडा, लावो गानी रोकनीमा
गुडला ल्वा जुल्नी माला गानी गुलाई
आथावो नुबेन्मु चाम्नी। १९ मेमिमका
येशू बम्डीमा गुनुड लम्डी, मा उनी
सीसिपामिम वो उनी चडचड लम्डी।
२० मेकोतिलोडा को-न(१२) थ आथाम
सिसि लक्पा सोमोरीका लुण्डुम कोले
मेसेम येशूकु चडलाम बिक्ता। मेम्मा उनी
हुम-येकु जुजु लुण्डु। २१ हेडालोने गुका
ऊ नडा आरे ज्वाक्पा मिम्स्ताम बाईडा,
“गो उनी हुम-ये कोडडा लुप्तो माला गो
सडु।” २२ येशू चडथो र्लोम्सिम्डीमा
रेप्मिडीलो मे मेसेमलाई ल्वाम्डीमा
ज्वाम्डी, “ए तोडमा, मेडिसा, ईमा
थोरका गाना सन्नाम बु।” मेकोतिलोडा
मे मेसेम सस्ल्याडडा। २३ मे डाउकु नेण्डा
येशू रोम्फाम्डी। मेकोतिलो मेसिन्डा
गुमीका सिमुथारीका डुप्पीमिम *सोजाम
डुपा नुड सेर्पा मुचु येपा-खापा ल्वाम्डी।
*यहूदी मुचुमिम सिमीलो बाँसुरी डुप्पी।
२४ गुमीका मेर्मिमलाई ज्वाम्डी, “पाखा लक्नी।
ओराम चोच्यो सिडाम मिबु, अम्चेड्डाम
कोडडा।” लावो मेर्मिमका गुमीलाई रिम्साम्डी।
२५ येशूका सेर्पा मुचुलाई पाखानो र्लुम्डीमा गुमी

नेमगोनो हुम्डी। मेम्मा गुमीका मे चोच्यो कु ल्वाडा
फेटिमडीमा मे चोच्यो हुबक्ता। २६ ओराम
ल्वाकु दुथाम मेसिन्डा खोत्लेथो फोन्सिडडा।

मिक्सीका मेल्वापाचिप नुड सि मेजेपा मुचु येशूका सबेटिमडिम

२७ येशू मेलामका लक्तोडा बेम्डिलो
मिक्सीका मेल्वापा मुचुचिपका डोकपु
लोलामका आरे ज्वाक्तो उनी चडचड
लक्ची, “ए दाऊदकु तारापाचो*, गुचुकु
डला न-थोम रेम्बेनी।” *मसिहकु नड २८ येशू
नेमगोनो हुम्डीमा मे मिक्सीका मेल्वापाचिप वो
मेसिन्डा रोकफाचची। मेम्मा येशूका मेर्चिपलाई
हिलाबेम्डी, “गो गाचीलाई मिक्सीका ल्वापा
दुम्बेन्मु चाम्नीची ज्वाक्साका हाम गाची थोर
लुची?” मेर्चिपका गुमीनुड ज्वाक्ची, “थोर
लुचुकु।” २९ मेकोतिमा गुमीका मेर्चिपकु मिक्सी
लुम्पिडीमा ज्वाम्डी, “गाची थोर लुचिम होडडा
ईची मिक्सीका ल्वापा दुम्ची।” ३० मेम्मा मेर्चिप
मिक्सीका ल्वापा दुम्ची। “ओराम ल्वा सुनुड वो
मेसोमु सो” ज्वाम्डीमा येशूका मेर्चिपलाई डिम
साटिमडीची। ३१ लावो मेर्चिप लक्ची, मा उनीमा
दुथाम मेसिन्डा खोत्लेथो थोबेट्ची। ३२ मेर्चिप
लक्चिम चडडा मुनाडका हुण्डुमा ऊ सि मेजेपा
दुस्ताम कोले मुचु येशूकाडा रेटिमडी। ३३ येशूका
मुनाड कोल्मिडिमा मे मुचु जेमु चोम्डु। मेकोतिमा
सेर्पा मुचु डाडया दुम्तो ज्वाम्डी, “इसाएलडा
ओराम हेल्लो वो दुस्ताम मेबायावा।” ३४ लावो
फरिसीमिमका ज्वाम्डी, “ओरामका मुनाडमिमकु
डोकपु*लामका मुनाड कोलुमी।” *शैतान

खारीचोमिम थुर्मीनु ज्वाक्साका सोम्दी बोमु

(मर्कस ६:३४; लूका १०:२)

३५ येशू खोत्ले शहर-शहर, देल-देल
नुड मेर्मिमकु घोम्दीनेममिमबाडे सीतो
नुड पाह्नी-किब्दीकु दुथाम जोपा-सेला
थोबेतो खिसिम्डी। मेम्मा खोत्ले
खालकाम सोमोरीनुडमा नुड नोपा
मुचुमिमलाई सबेटिमडी। ३६ सेर्पा मुचु
ल्वाम्डीमा छोम उनी थोम भ्रोस्ता,

हेडालोने रेपा मुचु मान्थिम भेन्दासिम
होप्पाम दुखा ल्वापा नुड र्लोपा
मान्थिम मेर्मिम बाम्डी। ^{३७}मेकोतिमा
गुमीका सीसिपामिमलाई ज्वाम्डी,
“थोक्पा मा-के हापाडा बुमिम होडडा
माम्चुनीकु सीजेमडा थोरलुमु माल्पा
मुचु हापाडा बुमी, लावो माम्चुनीडा
थोरबोमु क्रिपा खारी बेपा मुचु कतिडा
बुमी। ^{३८}मेम्मिमका खारीचोका र्लोपा
हापा मुचुलाई मा-के फण्डा ऊ ये-
दडा थुमीमिम होडडा मुचुमिमलाई
उनी सीजेम थोबेट्पा हापा मुचु थुर्मु
माम्चुनीलाई सोम्दी बेनी।”

येशुका को-न(१२) सीसिपामिमलाई थुर्माडिम

(मर्कस ३:१३-१६; ६:७-१३;
लूका ६:१२-१६; ६:२-६)

१० येशुका को-न(१२) उनी
सीसिपामिमलाई येट्मडी,
मा मुनाड कोल्पा, मा खोतले सोमोरी
नुड नोसी सबेट्पा साखाम मेर्मिमलाई
ग्वाम्डी। ^२मे को-न(१२) थुर्मासिम
ओर्मिमडा सो: पत्रुस ज्वाक्पा सिमोन
डादो, मेरामकु तारापा ल्वाक
अन्द्रियास, जब्दियाकु तारापचो याकूब
नुड याकूबकु ल्वाक यूहन्ना, ^३फिलिप
नुड बारथोलोमाइ, थोमा नुड कर
फक्पा मत्ती, अल्फयसकु तारापाचो
याकूब, थेदियस, ^४त्वाकु नेब्दी रिखाम
बेपामिमगोडाम सिमोन, येशुलाई
भेट्पा यहूदा इस्करियोत। ^५येशुका
मे को-न(१२) थुर्मासिमलाई और
बेम्डीमा थुर्मिडी, “वाडसामामिमकाडा
मेलक्नी, मा सामरीमिमकु शहरडा
मेहुनी। ^६लावो दाम्पा भेन्दासिम
होप्पाम ईस्राएलीमिमकाडा लक्नी,
^७मा मेर्मिमकाडा लनीलो पाही-किब्दी
फार्डाडा रोकफाड्डाम बु ज्वाक्नीमा
थोबेट्नी। ^८नोपा मुचुमिमलाई सबेट्नी,
मा सिपा मुचुमिमलाई सिमुलामका

फक्नी, जोन बेट्पा मुचुमिमलाई सेपा
दुम्बेट्नी, मुनाडमिमलाई कोल्नी। मेरेडा
गानी ल्वान्नी मेरेडा वाडमिमलाई वो
ग्वाक्नी। ^९सोना मतो नुड वाताकु
खउलुड ईनी (गोल्माडा)जेण्डा मेकुर्नी।
^{१०}गानी लाम्दीनीलो फाजी, अन्सिक्पा
माक्ते, सोलोप नुड डुलुम्चो मेकुर्नी।
हेडालोने खारीचो उमा पोमु-डुमुकाम
लागि घेट्पा दुम। ^{११}“उहेम शहरडा
लोवो देलडा लोवो गानी लनीलो
मेसिन्डा गानीलाई हुनाखाना बोमु
घेट्पा मुचु माल्नी, मा मेलामका
मेलाम्दीनीमिमसम्म मेराम नेण्डाडा
बानी। ^{१२}मेराम नेमगोनो हुनीलो ‘ईनी
न-भ्रसीनु’ बेनी। ^{१३}मेराम नेण्डाम मुचुमिम
न-भ्रसिमकु घेट्पा बुमी माला मेर्मिमकु
न-भ्रसी, मेण माला मेर्मिमकु न-भ्रसी
र्लोसीमा ईनीमाडाडा रो। ^{१४}कोडनिम
मुचुका गानीलाई हुनाखाना मेबेनीमिवा,
गानी ज्वानीमिम मेथोमीवा माला मेराम
नेम, शहरलामका लुनीलो माम्चुनीका
मेर्मिमलाई मेद्वामी, मा देन्दे ग्वामी
ज्वाक्पा रेम्बोमु ईनी खेलडाम फुर्कु
थेम्जोल्नी। ^{१५}आच्छाडा गो गानीलाई
ज्वाडु, माम्चुनीका निया बोमीमिमनेम
*सदोम नुड *गमोरा शहरडाम छुल बेपा
मुचुमिमका ल्वापाडाम वो ईम्मु मेभापा
देन्दे मेराम शहरडाम मुचुमिमका ल्वामी।
*उत्-१८:१७-१६:२६

सीसिपामिमकु थोमतेर्मी ज्वाक्साका येशुका ज्वाम्डिम

(मर्कस १३:६-१३; लूका २१:१२-१७)

^{१६}“रेप्नी, गो गानीलाई फारामिमकु
थेतेडा भेन्दासिमलाई होडडा
थुर्तोलेनिनी। मेम्मिमका गानी ब्लो
होप्पाम चडचडको बाट्पा नुड
तुकतुकुर होप्पाम मेजोपा मेबैपा दुम्नी।
^{१७}मुचुमिमडाम चडचडया बानी।
मेर्मिमका गानीलाई अदालतमिमबाडे
लनी, मा उनी घोम्दीनेमिमबाडे

कोक्तेकु रिबाका याल्नी। १८ आमा दुथाम गानीलाई साखामचो नुड हपमिमकाडा लनी। मेम्मा मेर्मिम मुचु नुड वाडसामा मुचुमिमलाई आमा दुथाम सोपा गानी दुम्नी। १९ लावो गानीलाई चुम्नीलो हाम ज्वामु, मा हेसाका जेमु ज्वाक्साका मिम्ताम-सोर्ताम मेबेनी। माम्चुनीका गानीलाई जोपा थारीका घेट्पा सीजेम ग्वानी। २० हेडालोने जेपा ने गानी मेदुम्नी, लावो ईनी माम्चुनी (पाप) कु पेल गानीलामका जेमी। २१ “वा-ल्लाकका वा-ल्लाकलाई सेन्मु लागि चुम्बेन्मी। मेम्मा पापका ऊ चोमिमलाई चुम्बेडु, मा चोमिम उनी माम-पापकु कोर्थोलाम बमीमा मेर्मिमलाई सेन्बेन्मी। २२ गानी आमा चडचड लाम्दीपा दुम्मिमका खोत्ले मुचुमिमका गानीलाई मेद्वानी। लावो उहेम मुचु दिफुसम्म थोरलुहोम बु, मेराम मुचु सेल्सी। २३ मुचुमिमका गानीलाई कोले शहरडा दुखा ग्वानीलो कोडमी शहरडा स्वानी। हेडालोने आच्छाडा गो गानीलाई ज्वाडु, मिनीचो मेयोक्थुमसम्म इस्राएलडाम खोत्ले शहरडा मेलुन्सोनी। २४ “सीसिपा, सीपाडाम डोकपु मेदुम, मा डुल्चो, नेमहपडाम डोकपु मेदुम। २५ सीसिपा, सीपा होप्पाम नुड डुल्चो, नेमहप होप्पामडा दुम। गो नेमहप होप्पाम गोलाई ने मुनाडमिमकु हप ज्वामी माला आमा नेडाम होप्पाम गानीलाई हाडको मेजोपा ज्वामी। २६ “मेम्मिमका मेर्मिमडाम मेडिनी। थक्साका जुल्मा मेल्वासिक्पा नुड खेप्साका जुल्मा रेम्मेबेसिक्पा हाम वो मिबु। २७ ओर्मिम खोत्ले ल्वा गो गानीलाई कोडडा ज्वाडु। गानी ओराम ल्वा खोत्ले मुचुनुड सोनी। गो गानीनुड सुपील्वाका सोउतोम ल्वा खोत्ले मुचुका थोहोम नेमडलामका ज्वाक्नी। २८ ईनी साम फ्याक्पा, ईनी पेल ने पुयुलुबेन्मु मेचापा मुचुडाम

मेडिनी, लावो ईनी साम फ्याक्पा, मा ईनी पेललाई खादीगोयु घोमु चापा माम्चुनीडाम डिनी। २९ हाम को पैसाडा नले भंगेरा मेभ्रेसी मा? मेमडा लोवो ईनी पापका न मेबेथिमसम्म मेर्चिपडाम कोले वो क्वाडा मेआल। ३० ईनीमा ने बुईडलाम सेम वो डार्सिडुडाम बु। ३१ मेम्मिमका मेडिनी! सेर्पा भंगेराडाम ने माम्चुनीकाम लागि गानी हापा थिकाम बुनी। ३२ मुचुमिमकु डादोडा उहेमका गोलाई रडी, पाहीला आमा पापकु डादोडा मेरामलाई वो गो आमा सीसिपा ज्वाडु। ३३ लावो उहेमका गोलाई मुचुमिमकु डादोडा मेरडी, पाहीला आमा पापकु डादोडा गो वो मेरामलाई आमा सीसिपा मेज्वाडु।

ख्रीष्ट योम्डिमका मुचुमिम मेदुमी

(लूका १२:५१-५३; १४:२६-२७)

३४ “सुबुडा मुचुमिमकु न-भ्रसीबेड्डा गो योडडोम ज्वाक्पा मेम्मिनी। मेर्मिमकु न-भ्रसीबेड्डा मेएँ, मेदुबेड्डा योडडोम सो। ३५ हेडालोने तारापाचो ऊ पापकु कोर्थोलाम, जाउमोचो ऊ मामकु कोर्थोलाम, मा देल्मी ऊ वोचुकु मामकु कोर्थोलाम फण्डा गो योडडोम। ३६ मुचुकु स्वाक्चिमो मुचु ऊ नेण्डाम मुचुमिमडा दुम्नी। ३७ “उहेमका गोडाम हापा ऊ मामलाई लोवो ऊ पापलाई लोवो रिखाम बु, मेराम आमा सीसिपा दुम्मु मेघेडु। उहेमका गोडाम हापा ऊ जाउमोचोलाई लोवो तारापाचोलाई लोवो रिखाम बु, मेराम आमा सीसिपा दुम्मु मेघेडु। ३८ उहेमका ऊ *क्रूस कुसाका आमा चडचड मेलाम्दी, मेराम मुचु आमा सीसिपा दुम्मु मेघेडु। *येशूकाम लागि क्रोम लु, दुखा रो मा सिमुडा बासी लोवो गुई खोत्लेका ईकी त्वापलाईडा माम्चुनीकु ल्वाड्डा ग्वामु बासी। ३९ उहेमका ऊ साम जुल्मु न बु, मेरामका त्वारोम मेल्वासु। उहेमका गु गोनुड लाम्दीडामका ऊ साम फ्याक्सु, मेरामका त्वारोम

ल्लासु। ४० “उहेमका गानीलाई रनी, मेरामका गोलाई रडी। मेम्मा उहेमका गोलाई रडी, मेरामका गोलाई थुर्पा पापलाई रडु। ४१ उहेमका माम्चुनीलाम-जेपालाई माम्चुनीलाम-जेपा होडडा रडु, मेरामका माम्चुनीलाम-जेपाकामडा पुरस्कार ल्लासु। उहेमका माम्चुनीकु डादोडा जोपा दुम्पा मुचुलाई माम्चुनीकु डादोडा जोपा दुम्पा होडडा रडु, मेरामका माम्चुनीकु डादोडा जोपा दुम्पाकामडा पुरस्कार ल्लासु। ४२ मेम्मा कोडनिमका ओ याक्के मुचुमिमगोडाम कोलेलाई आमा सीसिपा मिम्साका को कान्चुरे छक्पा कु कोडडा लोवो डुमु ग्वाकु माला, आच्छाडा गो गानीनुड ज्वाडु, मेरामका पुरस्कार ल्लासुडा।

येशू नुड कु-रुदुम ग्वाक्पा यूहन्ना

११ येशूका को-न(१२) सीसिपामिमलाई ओराम सीसि ज्वामु दुमिडीमा गुमी मेलामका मेर्मिमकु शहरबाडे सीड्डा नुड जोपा-सेला थोबेड्डा लम्डी। २ कु-रुदुम ग्वाक्पा यूहन्ना भ्यालखानडा बाईडालो ख्रीष्टका बेम्डिम खारीकु दुथाम थोस्तु, मा ऊ सीसिपामिमलाई उनीमाडा हिलाबेड्डा थुस्तुमी, ३ “गुकु लथान्कुमिम रोकपा ख्रीष्ट* गानीडा डे गुकु वाडमिमलाईडा लथान्कुमिम?” *माम्चुनीका मुचुमिमलाई सेल्मु लागि थुर्माडिम हप। ४ येशूका मेर्मिमनुड ज्वाम्डी, “गानी हाम ल्वान्नी, थोन्नी, मेर्मिम ल्वा लक्नीमा यूहन्नानुड सोनी- ५ मिक्सीका मेल्वापामिमका मिक्सीका ल्वाम्डिम, मा खेल ब्लेट्पामिम लाम्दीम्डिम बु। जोन बेट्पामिम सन्डिम बु। नोफलाका मेथोपामिमका थोमी, सिपा मुचुमिम सिमुलाम बमोम्डिम बु, मा उनी हाम वो मेबाट्पामिमका माम्चुनीकु जोपा-सेला थोत्तोडा लेन्मी। ६ गोडला बुडुम थोर पुयुलुमेबेट्पा मुचु आलाकाम सो।” ७ कु-रुदुम ग्वाक्पा यूहन्नाकु सीसिपामिम लम्डिम चडडा येशूका मे सेर्पा मुचुलाई यूहन्नाकु दुथाम सोमु चोमिडी, “ज्याडगो-ज्याडगोडा गानी हाम रेण्डा लक्नी?

हाम जुका थोपा *लिङगुकमा नार होप्पाम यूहन्नालाई रेण्डा लक्निम? ८ मेर्ण माला गानी हाम रेण्डा लक्नी? हापा थिकाम ये-सेम फसिक्पा मुचुलाई रेण्डा लक्निम? हापा थिकाम ये-सेम फसिक्पा मुचुमिम ने हप बाखोप ओगानेमडा बुमी। ९ गानी हाम रेण्डा लक्निम? माम्चुनीलाम-जेपा मुचुलाई रेण्डा लक्निम? आच्छाडा गो गानीनुड ज्वाडु, माम्चुनीलाम-जेपा मुचुडाम वो छल्वापा यूहन्नालाई गानी ल्वान्नी। १० उमा दुथाम माम्चुनीकु सीजेमडा आरेसाका ज्यामा बु: ‘रेप्नी, आमा सेलाचोलाई गो ईमा डादो-डादो थुरु, मा मेरामका ईमा लाम्दी डादो-डादो बनेबुजोलु!’ *मलाकी ३:१ ११ “आच्छाडा गो गानीनुड ज्वाडु, कु-रुदुम ग्वाक्पा यूहन्नाडाम छल्वापा मुचुमिमगोडा सु वो मिबु। मेमडा लोवो पाह्नी-किब्दीगोडा खोत्लेडाम याक्के उहेम बु, मेराम मुचु यूहन्नाडाम वो छल्वापा दुम। १२ कु-रुदुम ग्वाक्पा यूहन्ना बाईडालो आथाम ओम्लोसम्म पाह्नी-किब्दी छोमका बर्तोडा लेडु, मा छल्वापा मुचुमिम ओरामगोनो हुमु छोम माल्तोडा लेन्मी। १३ हेडालोने कु-रुदुम ग्वाक्पा यूहन्ना बाईडामसम्म मोशाका ज्याक्तुम किताब नुड माम्चुनीलाम-जेपामिम खोत्लेका ओ पाह्नी-किब्दीकु दुथाम ज्वाम्डिम बाईडा। १४ गो ज्वाडुमिम ल्वा ईनीमा नडा रमु न बोनी माला माम्चुनीलाम-जेपामिमका रो ज्वाम्डिम एलिया ने यूहन्नाडा सो। १५ उहेमकाम थोपा नोफला बु, मेरामका थोसुनु, मा थेसिथेट्नु। १६ “आथामबिलिम मुचुमिमलाई गो हामनुड थोपुमी? मेर्मिम ने येन्बेबेपामा आरे ज्वाबेपा बजारडाम लाम्दीबाडे चाम्मिक्पा चोच्योमिम होप्पाम सो, १७ ‘गुकु ईनीमा लागि बाँसुरी डुण्टोको, लावो गानी मेछोम्नीवा। गुकु येत्तो-खाप्तो बेत्तोको, लावो गानी ईनी प्ल मेआल्नीवा।’ १८ मेम्साकाडा यूहन्ना रोकता, मा वाडमिम मुचुका होडडा मेपुवा, अडगुरकु मेडुडुवा। मेम्मा मुचुमिमका ‘गुलाई मुनाडका हुण्डुम बु’ ज्वाम्डी। १९ मनीचो योक्ता, गुका पुडु-डुडुडु, मा खोत्लेका ज्वाम्डी, “रेप्नी, पोमुसा, डुसेवा मा कर फाक्पा नुड छुल्चोमिमकु